



Future-proofing our children

Sikolo sa la Sunda: 2

Toho ya Tuto

Ku swasa kwa litapi ko ku tuna

Buka ya Bashemi
Sikolo sa la Sunda sa mwa malapa



Balatiwa Bashemi

Mu amuhelwa kwa tuto ya “**Ku swasa kwa litapi ko ku tuna**” ya sikolo sa banana sa la Sunda 2. Pampili ye, imi tusa hainyani ka mo, muswanelia ku fela tuto ye:

Mo muswanelia ku itukiseza ni fa tuto ye

Ze tatama ki zeñwi zeo mu swanelia ku ezeza mwa ku itukiseza ni ku fela tuto ye.

Muhato	Sa kueza
1.	<p>Mu kena fa likepe la Keleke ya ba Apositola ba Banca, ka ku sebelisa likepe le fa WhatsApp: https://bit.ly/3NACSSH</p>
2.	<p>Mu be ni lisebeliso ze tatama kuli mu kone ku tukiseza kufa hande tuto:</p> <ul style="list-style-type: none">• Bibele• Ma pampili a likisizwe kale a tuto ye.• Buka mwa sebeleza mwanana, lopitoloto ni lipendiso za banana, ni zeñwi cwalo.• Video ye lukisizwe, ye kona ku sebeliswa ku ekeza fa halimu a tuto (ha ku konahala)• Katekisema ni buka ya lipuzo ni likalabo (Kwa banana ba bali mwa lotopa za Tiisezo) <p>Mamela:</p> <p>2.1: Nako yende yakufa tuto ki la Sunda ka kusanani, ka samulaho a sebelezo, sina banana ha ba fiwanga lituto ka nako yeo.</p> <p>2.2. Mukupiwa ku eza tuto ye bukuswani ha ku konahala, ka ku hupula nako nyana yeo banana ba kona ku teezeza ni ku utwisisa hande. (Mu sike mwa bulela ze sa a mani tuto) ya mwanana – Mina ki mina mu ziba ahulu mwana mina ni ku fita.</p> <p><i>Ka mulao, sikolo sa la Sunda hasi swaneli ku fitelela mizuzu ye mashumi a mane nito tu keta izoho (45 minutes).</i></p> <p>2.3: Lituto li kau hanyizwe ka itopa (Sikolo sa la Sunda, Taelo ya silumeli ni Tiisezo - SS1, RI1 or Confirmation).</p> <p>2.4: Mulizeze kapa ku ikopanya ni muluti wa ba sikolo sa la Sunda ha mu tokwa tuso kwa lisebeliso ze bulezwi.</p>
3.	<p>Mu lapele (Mubone tapelo ye ñozwe, kwa mafelelezo) mi mukupe Mulimu kuli ami eze sisabeliso mwa kufa tuto ye, ka mwa latela Yena.</p>
4.	<p>Mu eze sibaka sa tuto kuba se sinzi hande (ku sina lilata) foo mina ni mwanana mu bani ni buino bo buswana.</p> <p>Ka mutala: Mu ine fa lishasha/ fa museme kapa fa lipula ku potoha tafula</p>
5.	<p>Mu bale tuto ye lukisizwe. Mu kutele ku ibala hape kuli mui utwisise hande. Mu buhe video ya tuto kuli mube ni kutwisiso hande ya tuto.</p>
6.	<p>Mu iñolele tu ñusanyana twa butokwa to mubata ku hupula ha mufa tuto.</p>



Mufe tuto ya Sikolo sa la Sunda mwa Malapa

Mo kuswanehela ku itukiseza ni fa tuto ye

Lu zwela pili ku mifa mikwa, yeo muswanela ku itukiseza ni ku fa tuto ye.

Muhato	Sa kueza
7.	Mu utwisise butokwa bwa tuto, yeo mwanana a swanezi ku mamela ni ku sa libala.
8.	Mu fe mwana mina tuto ye, ka ku mukandekela likande la tuto. Mu kona ni haiba ku mu balela likande le ha mu tabela.
9.	Mu supeze mwana mina video, mi muketele butokwa mwa tuto ye.
10.	Mu bulelele ni ku susuweza mwana mina kuli a eze musebezi o mwa buka ya hae, ya sikolo sa la surda.
11.	Mu lapele kapa mu kupe mwanana kuli a lapele kaku kwala tuto.

Lisebeliso ze fumaneha ku amana in Sikolo sa mwa malapa

Ze tatama ki lisebeliso ze kona ku ekeza ni ku tiiseza butokwa bwa tuto:

1. Mu eze WhatsApp chat tuto ye ni mabasi amanwi a sikolo sa la surda.
2. Mu ambole ni bashemi ba banwi kuli mube ni kutwisiso ku amana ni tuto pili mu sika ifa kale ku mwana mina.
3. Mu be baba lukuluhile, ku batisia litaba zemwi ku amana ni tuto ye.



Tuto

Toho ya tuto	Ku swasa kwa litapi ko ku tuna
Timana ya Bibele	Mateu 4: 18-22 ni Luka 5: 1-11
Mutomo/ butokwa bwa tuto	Lu ituta ka za susewezo ye tuna ya Mulena Jesu kwa batu. Lu bona kuli ifilwe maata a matuna. Ka sepo lu latelela mwana Mulimu.

Tuto ye kusufalizwe:

- Mulena Jesu na luta linzwi mwa Galilea, mi lika za na eza za hasana mwa minzi ye ne li mabapa. Ka moo na ezeza limakazo ni ka mwa lutela/ kutaleza linzwi ka maata.
- Na luta batu, a nza li, “Mu bakele libi za mina ni ku lumela linzwi, kakuli Mubuso wa Lihalimu u so li fakaufi!”.
- Ka lizazi le limwi, Jesu na yemi fa munanga wa Lisa la Genesareta, a umbiwa ki batu ba bañata ba ba ne ba bata ku to utwa litaba za Mulimu, kakuli ne ba sa lati ku kauhelwa kwa sebelezo ya Mulena Jesu.
- Sicaba hanze zi ekezeha cwalo, sa bata ku kasheza Jesu mwa mezi. Jesu a longana mwa mukolo o muñwi o no li wa Simoni, mi a mu kupa kuli a fuule hanyinyani. Cwale Jesu a ina mwa mukolo, a talima sicaba, mi a kala ku luta nyangela inga inzi mwa mukolo.
- Jesu a bulela/luta sibaka nyana. Lizazi ne seli pahami luli mi batu ne se ba shwile tala.
- Jesu ali ku Simoni, “Isa mukolo mwa ngala, mi mu nepele tunyandi twa mina mwa buliba, mu yambe.” Simoni a talima Jesu ka ku makala/komokwa luli sina ha ne sili nako ya musihali luli, mi ha kuna mutu mwana kona ku swaseza litapi!
- Simoni a alaba, a li, “Muña ka, lu ikatalize busihu kaufela, mi ha ku na se lu swasize! Ka pilili-pili a hupula lika kaufela ze makaza za na boni ku Mulena hae, ka cwalo a ekeza ali: “Kono, ka taelo ya hao, lu ta yamba.”
- Ka nako nyana feela, ba swasa libunda-tuna la litapi, mane tunyandi twa bona twa bata ku pazuha. Kiha ba kobeta/biza banabahabo bona mwa mukolo o muñwi kuli ba to ba tusa. “A mutahe mu to lu tusa, lu swasize litapi ze ñata!.”
- Ba komokiswa ki buñata bwa litapi ze ne ba swasize, mi ba nyunga litoho za bona ka ku komoka.
- Mulena Jesu hape a bulela ku Jakobo ni Joani, “Mutahe muni latelele, ni bata ku mi eza bayambi wa batu.”
- Balutiwa ne ba tabela feela ku latelela Mulena yo mutuna yo. Mulena na sa ba supelize musebezi wa bona o munca: Bayambi ba batu!



- Ka tabo ni bona ne ba tabelo ku mu tusa kwa ku isa linzwi la Mulimu kwa batu, ni ku ba etelela ku liba ku Mulena.
- Ne ba lemuhile kuli Mulena Jesu ki mwana Mulimu, mi ne ba bata ku neela bupilo bwa bona kwa ku musebeleza.

Kanti tuto ye italusa sikamañi ku luna kacenu?

- Ye ki yemwi ya limakzo ze tuna ya na ezize Mulena Jesu. Jesu ki mwana Mulimu, mi yena anosi ki yana ni maata aku eza limakazo.
- Mwa linako zemwi, mihupulo ya buntu itisa ku honona/hakanyeho, kono lu swanelia ku hupula ni ku lemuha kuli lika kaefela li kona ku ezahala ka Kreste, ni kuli lu swanelia ku ba ni tumelo, tumelo ye swana sina ya mwanana ya fiwa/humaneha.
- Bu kacenu le, Ba Apositola ba luna kona bayambi ba batu, mi ba neezi bupilo bwa bona ku sebeleza Jesu. Ki ba yemenli ba Kreste mi hape ba tisa linzwi la Mulimu kwa bana ba hae.
- Ni luna lu swanelia ku hasanya linzwi la Kreste kwa balikani ba luna, ni ku bulela ka za lika zende za lu ezelize.

Lipuzo zemwi ze lu kona ku buza:

1. Ki makazo mañi ya na ezize Jesu lizazi leo/lani?

Kalabo: Na lumelelize kuli bayambi ba swale/swase litapi ze ñata ili kuli ba kone ku fepa batu bene ba shwile tala.

2. Balutiwa ne ba ikutwile cwañi zeo ha se li ezahezi?

Kalabo: Sepo ni tumelo ya bona ku Jesu Kreste ya tiya ni ku fita, mi ne ba bata ku mu latelela ku ya kuile..

Tapelo ya Bo Ndate ni Boma ye fiwa pili tuto isi ka tateka:

Mulimu ya lateha. Lwa itumela kwa lizazi la kacenu

Tusa kuli lukone ku lemuha ku bateni kwa Hao

Fuyola tuto ye lu taba ni yona

Lu kone ku cala toze yende ka mikwa ye minde mwa bupilo bwa luna

Lutuse lu kone ku lumelela feela bunde, ku hula mwa lipilu za luna

Luma Jesu ato lunga

Mi ulutuse kuba baba itukiselize ku mukatanyeza

Mwa libizo la Jesu lwa lapela

Amen